

- (21.) V. *Schottum* in *Dedicat. Mirabil. Artis & proœm. L.X. Magiæ* part. I. In *Museo Septalii*, præter alia admiranda artificia, complura etiam subtilissima Torevmata videnda prostant, ceu legere est in *Museo Septaliano*, à *Paulo Maria Terzago*, *Mediolanensi Physico*, descripto.
- (22.) V. *Schottum* part. I. *Mag. L.X. syntagm. 4.* Et quanquam nec otium nec spatium ad seria & necessaria ferè suppetat, non possum tamen, quin lepidam quandam de Microscopio historiam, è cap. I. modò citati syntagm. referam: Insignis quidam & doctissimus vir, scriptisq; libris notissimus, è Bavaria per Inferiorem Austriam in Tyrolim iter faciebat, nuntio comitatus; & in via correptus febrì, subsistere fuit coactus in pago quodam, ubi & mortuus est. Antequam terræ mandaretur cadaver à loci Parocho & incolis, Prætor cum senioribus sarcinulam demortui excusit, invenitq; inter alia Microscopium quoddam, cum incluso pulice. Cohorruit Prætor, & quotquot ex adstantibus microscopium inspexere, asserentes demortuum virum veneficum fuisse, & Dæmonem vitro inclusum secum gestare, ideoq; indignum sepulturâ esse. Diu tenuit controversia, donec tandem nescio num studio, an casu, aperto instrumento apparuit pulicem esse, quem Dæmonem putaverant.
- (23.) *Ephem. XLII. anni 1666.*
- (24.) V. *Disp. Excell. Dn. Sturmii de Oculo*, *Ejusdemq; Colleg. Curios. Tentam. II.*
- (25.) Inventorem Camerae obscuræ invenire non potui. Creditur is eque ab aliquibus *Job. Bapt. Porta* esse, sed incertâ fide; & si vel maximè occasionem quandam aut rudimenta ejus ministraverit *Porta*, probabilissimè tamen usus ejus, saltem perfectus, nostro seculo adjudicatur: ob rationes consimiles illis, quas superius, cum de Telescopii inventore ageremus, adduximus.
- (26.) De his duobus v. *Schott. Mag. part. I. l. I. c. 6. & l. 7. in proœm.*
- (27.) V. *Act. Angl. Mens. Julii 1669. §. 10.*
- (28.) V. *Ead. Mens. Novembr. 1665. §. 1.*
- (29.) V. *Ead. loc. cit. & Ephem. Erud. X. 1666.* Generatim autem qui plura de speculis Vitoriis legere cupit, adeat *Schottum l. 7. de Magia Catoptro-Caustica.*
- (30.) *Galileus Galilæi*, Mathematicus Florentinus, arreptâ occasione è *Propos. IV. L. VI. Euclidis* primus invenit circulum proportiona-

tiona-